

Legg planar for opptil 130 vindmøller

Fædrelandsvennen
08.01.19

Fred Olsen Renewables undersøker nå om det er mogleg med ei omfattande utbygging av vindmøller i Setesdal. Med maksimal utbygging kan det bli opptil 130 vindmøller fordelt på tre område.

EVJE OG HORNNES

– Vi er på eit vel-
dig tidleg stadie.
Eg vil ikkje seie
at vi legg planar,
det er heller
snakk om son-
deringar, seier
Kjell Rune Nakkestad, lokal re-
presentant for Fred Olsen Rene-
wables i Agder.



Til nå er den politiske leiinga
i Bygland kommune og Evje og
Hornnes kommune informert.
Energiselskapet har også vore i
kontakt med enkelte grunneiga-
rar. Seinare vert det lokale infor-
masjonsmøter om vindkraft.

Med maksimal utnytting kan
det bli plass til opptil 130 vind-
møller fordelt på to område i Evje
og Hornnes kommune og eit om-
råde i Bygland kommune.

– Men med den teknologiske
utviklinga som er på vindmøller
nå, kjem det turbinar som er stør-
re enn dei som er i dag. Så det blir
nepe snakk om så mange vind-
møller hvis dette skulle bli reali-
sert.

Samla investeringar er på mel-
lom 4 og 6,5 milliardar.

– Det er vanskeleg å slå fast det-
te nøyaktig. Dei siste åra har det
vore ein kostnadsreduksjon på 40
prosent, seier Nakkestad.

Det var lokalavisa Setesdølen
som først omtala saka.

STOR UTBYGGING

Det er snakk om ei omfattande
utbygging. Til samanlikning vart
det nyleg klarsignal til 20-21 vind-
møller i Birkenes.

I Evje og Hornnes blei ordfør-
ar Bjørn Ropstad (KrF) infor-

mert om planane på eit møte med
Fred Olsen Renewables i desem-
ber 2018.

– Dette er fornybar energi, og
skjer utbygginga på rett plass,
treng det ikkje vere noko nega-
tivt. Men eg må sette meg meir
inn i saka og vite konsekvensane
av den, seier Ropstad.

Han ynskjer at Fred Olsen Re-
newables kjem til kommunen for
å informere mellom andre kom-
munestyret.

– Så kan vi ha ein open prosess
om dette, seier han.

TRE OMRÅDE

Det er desse tre områda Fred Ol-
sen Renewables nå ser nærare på:

• **Stemhei:** Området i Evje og
Hornnes strekker seg frå Dås-
vassdalen og vidare oppover mot
Byglandsfjord og kommunegren-
sa til Bygland. Det har eit potensi-
al på maks 30 vindmøller.

• **Tveiteheia:** Området vest i
Evje og Hornnes har eit potensi-
al på maks 20 vindmøller.

• **Lauvdalsheiene:** Området
ligg i Bygland kommune. Det har
eit potensial på maks 80 vindmøl-
ler. Området strekker seg frå om-
lag der Fånefjellstunnelen ligg og
vidare aust- og nordover.

Ifølgje Nakkestad meiner sel-
skapet at forholda ligg til rette for
vindenergi i desse områda.

– Vi ser på område som har
gode vindressursar og som er
minst mulig konfliktfylte. I til-
legg kan det ikkje vere område
som vert ekskludert av NVE. Vi
ser også på om grunneigarane er
villege og om kommunen er po-
sitiv.

Han er varsam med å antyde
kor lang tid det kan gå før det vert
ei eventuell utbygging, men erfa-
ringar frå andre prosjekt viser
ifølgje Nakkestad at det kan dreie
seg om mellom fem og sju år.

TEKST: **KJETIL REITE**
kjetil.reite@fvn.no